

1 Republika ng Pilipinas
2 **MABABANG KAPULUNGAN KONGRESO**
3 Lungsod ng Quezon, Kalakhang Maynila

4
5 **IKA-LABINGWALONG KONGRESO**
6 Unang Palagiang Sesyon

7 **354**

8 RESOLUSYON NG KAPULUNGAN Bilang _____
9

10 **Inihain ng mga**
11 **Kinatawan ng Bayan Muna Party-list EUFEMIA C. CULLAMAT,**
12 **CARLOS ISAGANI T. ZARATE at FERDINAND R. GAITE,**
13 **Kinatawan ng Gabriela Women's Party ARLENE BROSAS,**
14 **Kinatawan ng ACT Teachers Party-list FRANCE CASTRO,**
15 **at Kinatawan ng Kabataan Party-list SARAH JANE ELAGO**
16

17
18 **RESOLUSYONG**
19 **NANANAWAGAN PARA SA AGARANG PAG-IMBISTIGA SA PAGPATAY**
20 **KAY LEONIDES BACONG, LOKAL NA LIDER NG**
21 **KILUSANG MAGBUBUKID NG PILIPINAS SA BUKIDNON**

22
23
24 YAYAMANG, nagpapatuloy ang walang saysay na patayan sa Mindanao;

25
26 YAYAMANG, halos araw-araw ay may isang taong pinapatay sa Mindanao, Negros at iba pang dako
27 ng Pilipinas;

28
29 YAYAMANG, ang mga patayang ito ay lumilitaw na sistematiko at may tiyak na iisang grupong
30 tinatarget: mga tao na kasapi ng tinatawag na *cause-oriented groups* at/o, mga tagapagtanggol ng
31 karapatang pantao, at/o mga aktibista na kritikal na pumupuna sa pamamalakad ng pamahalaan;

32
33 YAYAMANG, isa na namang lider ng mga *cause-oriented groups* at/o, mga tagapagtanggol ng
34 karapatang pantao, at/o mga aktibista na kritikal na pumupuna sa pamamalakad ng pamahalaan ay
35 pinaslang noong ika-11 ng Septyembre 2019 sa pamamagitan ng pagbaril at pagbaon sa kanyang ulo
36 ng tatlong bala;

37
38 YAYAMANG, si Leonides Bacong, ang biktimang ito ng isa na namang brutal na pagpaslang ay
39 lokal na lider ng Kasama-Bukidnon, ang lokal na balangay ng Kilusang Magbubukid ng Pilipinas sa
40 nasabing lalawigan, ay pinaslang nang may katulad na modus sa sistematikong pagpaslang sa mga
41 kasong nabanggit sa itaas, sa kanyang tahanan sa Brgy. Little Baguio, Bukidnon;
42

43 YAYAMANG, mataas ang posibilidad na mapabilang si Leonides Bacong sa maraming biktima ng
44 pagpaslang—na isinakatuparan ng mga hinihinalang armadong pwersa ng pamahalaan—na nauwi na
45 lamang sa limot at nanatiling numero sa tumataas na estatistika ng sistematiko at brutal na atakeng
46 ito;

47
48 YAYAMANG, si Leonides Bacong ang ika-15 biktima sa Bukidnon ng brutal na pagpaslang na
49 ito—na isinakatuparan ng mga hinihinalang armadong pwersa ng pamahalaan—kung saan naulila
50 ang pito (7) niyang anak;

51
52 YAYAMANG, ang brutal na sistematikong atakeng ito ay tahasang bumabastos sa mga karapatang
53 ginagarantya ng ating Saligang Batas patungkol sa Karapatan Sa Buhay, Kalayaan, at Ari-arian;

54
55 YAYAMANG, ang brutal na sistematikong atakeng ito ay tahasang bumabastos sa lahat ng mga
56 batas ng Pilipinas na naggagarantya sa mga karapatang binanggit sa Katipunan ng mga Karapatan na
57 matatagpuan sa Artikulo III, ng ating 1987 Saligang Batas;

58
59 YAYAMANG, ang brutal na sistematikong atakeng ito ay tahasang bumabastos sa mga
60 internasyunal na kasunduan at internasyunal na batas na gumagarantya sa karapatan ng mamamayan
61 sa kanilang buhay, kalayaan, kapanatagan sa sarili, at sa pagpuna sa mga pamamalakad ng
62 pamahalaan, tulad ng: 1942 Pandaigdigang Deklarasyon ng Karapatang Pantao; at kalipunan ng mga
63 Internasyunal na Makataong Batas tulad ng 1949 Kumbensyong Geneva at mga 1977 Dagdag na
64 Protokol hinggil sa karapatan ng mga hindi armadong sibilyang naiipit at/o iniipit ng mga armadong
65 pwersa ng estado sa mga armadong tunggalian;

66
67 YAYAMANG, mandato ng kapulungang ito na gumawa ng batas na magtatanggol sa kanyang mga
68 mamamayan at maniguro na ang mga naunang batas na nagtitiyak sa paggalang sa karapatang pantao
69 ay naipapatupad nang lubusan;

70
71 **KUNG GAYON, BAYAANG IPASYA, AT NGAYUN NGA AY IPINAPASYA** ng
72 kapulungang ito, sa pamamagitan ng Komite sa Karapatang Pantao (*Committee on Human Rights*) ng
73 Mababang Kapulungan ng Kongreso na magsagawa ng imbestigasyon, bilang tulong sa pagsasabatas,
74 hinggil sa pagpaslang kay Leonides Bacong at sa lahat ng biktima ng pagpaslang sa Bukidnon.


75
76
77 *Pinagtibay*

78
79
80 
81 **EUFEMIA C. CULLAMAT**
82 *BAYAN MUNA Party-list*


83
84 
85 **CARLOS ISAGANI T. ZARATE**
86 *BAYAN MUNA Party-list*

87 
88 **FERDINAND R. GAITE**
89 *BAYAN MUNA Party-list*


87
88
89
90
91
92
93
94



FRANCE L. CASTRO
ACT TEACHERS Party-list



ARLENE D. BROSAS
GABRIELA WOMEN'S Party



SARAH JANE I. ELAGO
KABATAAN Party-list